

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

14. De Invitatorio, Hymnis.

Nutzungsbedingungen

[urn:nbn:de:hbz:466:1-54780](#)

modis peccatur corde , ore & opere. *Domine labia* est contra peccatum oris. *Converte contra peccatum cordis.* *Deus in adjutorium contra peccatum operis.* Præterea aptius ab initio totius officii dicitur : *Domine labia* , quia ore laudandus est Deus per recitationem officii ; & quia per diem vagamur à Deo , ideo sub nomine aptius dicimus *Converte nos Deus.* Per diem autem sæpius cum antiquis Monachis , in quorum ore versus hic erat frequentissimus , dicimus *Deus in adjutorium.*

Additum jussu Damasi *Gloria Patri* ad omnes horas , qui versus totus usque ad finem *Sicut erat in principio, &c.* à Nicenâ Synodo fuit compositus ; imò ab Apostolis eum fluxisse probat Baron. completur initium horarum per vocem hebræam *Alleluja* ; quæ significat juxta Aug. *Laudate Deum.* Et quidem cum plenitudine exultationis juxta D. Thom. & quia à Septuag. incipit tempus tristitiae , tunc loco *Alleluja* ex decreto Alexandri II. dicitur *Lauda tibi Domine.* Porro vox hæc *Alleluja* à S. Hieron. jussu Damasi translata est de Jerosolomytana Ecclesia ad Romanam teste S Greg. qui & voluit etiam extra tempus Paschale eam in horis addi.

14. De Invitatorio, Hymnis.

Invitatorium (in quo communis cœtus fratribus convocat omnes ubique degentes ad confitendum Domino) dicitur sexies integrè intra Psalmum *Venite* ; & ter imperfectè , quia aliqui perfectè (numerus senarius est perfectorum)

rum) aliqui imperfectè invitationem recipiunt.

De Hymnis nota sequentia. 1. *Hymnus græcè, latinè Lans Dei cum canit dicitur.* Christus hymno dicto exivit in montem Oliveti, & Paulus ad Coloss. 3. Ephes 5. de eo loquitur. 2. Hymni dicuntur post Invitatorium ex institutione Gelasii in signum gaudii vocatorum ad Deum, & ad excitanda torpentina corda. Post Psalmos, ut excitemur ad immediate sequens canticum Evangelicum devotè dicendum in Laudibus. In Vesp. & Completorio ante Psalmos ad alias horas dicitur, ut initio horæ ad dulcedinem divini amoris retrahantur corda quotidianis curis occupata. Finis Hymnorum variatur pro varietate Festorum, ut mysteriorum tunc occurrentium magis recordemur. 3. Ex latinis Hilarius librum Hymnorum Ecclesiasticorum edidit teste Hieron. quem imitatus est Ambrosius Hymnos populo componens, per quos persecutionem Justinæ Augustæ rerum novitate lenivit. Hymnos cantandos in Ecclesia Romana composuit Gelasius Papa. 4. Ad sex species reducuntur Hymni metrī. Eorum tamen Autores leges metri sèpiùs neglexerunt. Eos Urbanus VIII. emendavit, & adhuc satis multa, ut Gallus quidam Poëta ex nostris annotavit surrogatis aliis versibus, expurganda restant. Hymnus *Ave maris stella* cum paucis aliis soluta potius oratio est, aliquibus incisis partita. Tres Hymni de SS. Sacramento reliqui ratione hebreisci ritimi. 5. Guido Abas

bas (qui obiit Anno 1020.) Græcos imitatus
musicos syllabis ad musicam docendam usos,
Ex fine Hymni ut queant laxis resonare fibris mi-
ra gestorum famuli tuorum &c. notas has vel syl-
labas ut *re, mi, fa, sol, la,* adinvenit. Demum
6. Hymni significant fortitudinem & Majesta-
tem Dei , ejusdem vel beneficia vel facta mi-
randa teste Hieron. unde & stando eos canta-
mus ob reverentiam , & ut ostendamus nos sur-
sum ad Deum habere corda nostra.

15. Unde & cur Antiphona , quando du-
plicantur , &c.

DE Antiphonis nota seqq. 1. *Antiphona* idem
est , ac *Vox opposita , consonans , reciproca.*
Quia inchoatur ab uno unius Chori , & ad ejus
Symphoniam cantatur Psalmus per duos Cho-
ros , & cum ipsa Antiphona postmodum con-
junguntur simul duo Chori. Hinc usi recep-
tum est ; ut sententia , quæ Psalmum aut Can-
ticum præcedit , Antiphona dicatur. 2. Autor
Antiphonarum in Ecclesia græca est Ignatius An-
tiocenus ex Cassiod. post quandam visionem
Angelorum ; quos vidit unum ad alterum con-
versum , cantantes *Sanctus, Sanctus, &c.* Græ-
cos imitatus primus inter Latinos Ambrosius
Antiphonarum Autor est circa annum 383. vide
August. l. 9. Confess. c. 6. 3. Dicuntur Anti-
phonæ semper cum Psalmis ; ut , sicut Psalmus
significat teste Hieron. opus bonum , ita innu-
atur id nec sine Antiphona debere esse , quæ suâ
combinatione seu repetitione ante & post Psal-
mum